



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XLV. Argumenta, quæ adversus hactenùs dicta objiciuntur, invalida
esse ostenduntur.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

mano subjecta sit, ut ait ibidem lect. 2. Et Petrus Alliacensis in Vesperiar. quæst. resumpta conclus. i. de Petro Christi Vicario: Patet ex dictis in 2º. articulo questionis, quam tractavi in Vesperis, ubi ostendi, quod Petrus Apostolus, ex Christi institutione, suum Caput, & habuit Principatum universalis Ecclesie.

Romanum itaque Pontificem universalis Ecclesiae Caput & Pastorem esse, ne dum ipsi Pontifices, sed & Patres omnes tradiderunt, sive intellexerunt eloquia illa evangelica: *Tu es Petrus, & super hanc petram adificabo Ecclesiam meam. Tibi dabo claves regni calorum. Pasc oves meas. Fieri unum ovile, & unus Pastor, &c.* Omnim verò Pontificum, Patrumque traditio circa sensum sacrorum textuum, certum est argumentum veritatis, juxta Trid. fest. 4.

§. VII.

Idipsum ratio non una demonstrat.

Prima ratio est, quia certum est, Petrum, & quemlibet ipsius successorem, esse fundamentum fidelium omnium, etiam congregatorum, seu congregatim sumptorum, atque adeò Ecclesiae universalis. Igitur certum est, ipsum esse Caput, & Pastorem fidelium omnium, etiam congregatorum, ipsiusque proinde Ecclesiae universalis. Quod est enim in domo fundatum, hoc est in corpore Caput, & in grege Pastor. Nam ut domus pendet à fundamento, non fundatum à domo; sic corpus pendet à Capite, grex à Pastore; non Pastor à grege, nec Caput à corpore. Et Petrus (sicut & quilibet successor ipsius) per id constitutus est Ecclesiae Pastor & Caput, per quod constitutus est fundatum. Quod enim Salvator promisit Matth. 16. *Tu es Petrus, & super hanc petram adificabo Ecclesiam meam*, hoc adimplevit Joan. 21. cùm dixit: *Pasc agnos meas, pasc oves meas*, prout Ecclesia semper intellexit. Quod autem certum sit, Petrum esse fundamentum fidelium omnium, etiam congregatorum, adèque ipsius etiam Ecclesiae universalis, perspicue declarant verba illa: *Tu es Petrus, & super hanc petram adificabo Ecclesiam meam*: utpote exprimita, seu expresse declarantia, Ecclesiam adficandam esse super Petrum, tamquam fundatum, seu petram fundamentalem; Ecclesiam (inquam) de qua proximè subjungitur, quod aduersus eam portio inferri non prævalebunt. Ecclesia verò (præsertim sic descripta) non est singuli fideles, vel Episcopi divisi, sed omnes coniunctim, seu congregati. Ecclesia namque nomen collectivum est, propriè significans collectionem, seu congregationem fidelium. Nec de ipsa, aliter sumpta, verificatur illa ipsius firmitas tanta, ut aduersus eam infernus nequeat prævale-

Tom. II.

re. Nec hoc negari potest, absque cavillatione. Cùm aperte sit contra rationem, id quod Salvator affirmat de Ecclesia, negare de eo quod propriè est Ecclesia, solumque concedere de eo quod propriè Ecclesia non est.

Secunda ratio: Ecclesia universalis est unus grex, & unum ovile Christi, de quo Christus ipse: *Fieri unum ovile*. Unum ergo habet Pastorem, sicut idem ibidem subjungit, & unus Pastor. Sed alium non habet Pastorem unum (post Christum) nisi Petrum, ac quemlibet Petri successorem. Ergo quilibet Petri successor est unus Pastor Ecclesiae universalis. In idem recedit hæc ratio: Ecclesia universalis est unum corpus visibile. Igitur habet Caput unum visibile. Non alium nisi Petrum. Igitur Petrus est Caput visibile Ecclesiae universalis. Omnia proinde fidelium, & Episcoporum, etiam congregatim sumptorum. Ipsius proinde etiam Concilii Generalis.

Tertia ratio: generales, illimitataeque Evangelii sententias, absque Ecclesiæ autoritate, non licet ad privatum tensum restringere, vel limitare, uti demonstravimus to. i. Prolegomeno 3. c. 12. Adversus certissimam verò regulam istam peccant contrariae opinionis sectatores. Quod enim Christus illimitatè, & absque distinctione, vel exceptione dixit: *Tibi dabo claves regni calorum. Quocumque ligaveris. Pasc oves meas, &c.* limitatè, cumque distinctione, & exceptione accipi volunt, cùm dicunt, non intelligi de toto Christi grege, seu de omnibus congregatim. Nec exceptionem istam, seu distinctionem Ecclesiæ faciunt auctoritate, sed suā, sententias illas illimitatas ad privatos sensus suos restringentes, contra ipsius Ecclesiæ sensum, quæ pro Papapa orat, velut pro totius Ecclesiæ Capite, totiusque Dominici ovilis Pastore: *Deus omnium fidelium Pastor & Rector, qui famulum tuum N. Ecclesia tua* (id est toti fidelium congregationis, & totique Dominico ovili) *praefesse voluisti*.

Quarta ratio: unus est supremus Ecclesiæ Monarcha, Romanus utique Pontifex, uti probatum est suprà. Quemadmodum ergo supremus Monarcha Gallorum v. g. praefest toti regno, & omnibus Statibus illius, etiam congregatis, id est generali Cœtui ipsorum. Ita similiter, &c.

C A P U T X L V.

Argumenta, que aduersus hæc tenus dicta obijciuntur, invalida esse ostenduntur.

Adversus ea quæ pro Romani Pontificis infallibilitate, & supra ipsum etiam universale Concilium auctoritate diximus, varia obijciuntur argumenta, sed dudum contrita, & quæ (attentis præmissis) nullius

Cc

esse videntur soliditatis. Solum hic subiectam præcipua, ex quorum solutione facilis erit solutio ceterorum.

695 Objicitur ergo 1º Petrus (primus Christi Vicarius) erravit cogendo Gentes legalia observare; idèque iustè reprehensus fuit à Paulo, prout ipse refert Galat. 2. cumque ipso Augustinus lib. 2. de baptism. contra Donatist. c. 1. Ergo Papa fallibilis est, reprehensionique obnoxius.

Respondeo argumentum prorsus non esse ad rem. Neque enim Petrus erravit in doctrina fidei vel morum, quam ut Pontifex à tota Ecclesia voluerit esse sequendam; sed error ipsius conversationis vitium fuit, non prædicationis, ut Tertullianus ait in lib. de pæscript. Error namque, seu virtus ipsius in eo fuit, quod posteaquam cum Gentibus conversis, absentibus Judæis, legalia non servaverat, Judæis præsentibus, ea servabat, suoque isto exemplo Gentilibus esse poterat scandalum: quatenus ex facto ipsius Gentiles existimare potuissent, ea esse servanda. In hoc proinde factio non ambulabat secundum veritatem Evangelii: quia Gentes quodammodo cogebat judaizare, tametsi nihil contra veritatem Evangelii, prædicando doceret. Neque enim prædicare poterat necessitatem servandi legalia, qui Act. 10. de eorum cessatione revelationem habuerat, istamque revelationem Act. 11. toti multitudini vulgaverat. Non ergo Petrus in fide erravit, prout Augustinus ipse agnoscit epist. 29. ad Hieronymum, contrariaque propositio Antonii de Dominis ann. 1615. à Facultate Theologica Parisiensi merito declarata fuit erronea, temeraria, & in B. Petrum contumeliosa.

Instabis: Augustinus loco in objectione citato, per errorem Petri excusat errorem Cypriani, hæreticos rebaptizantibus; sicut & Pelagius II. epist. 2. ad Episcop. Istriæ per eumdem excusat errorem Vigili, epistolam Ibæ ut orthodoxam in Constituto suo approbantis.

696 Respondeo nec Cyprianum, nec Vigilium errasse in fide; sed Cyprianum errasse in disciplina, seu consuetudine haëc tenus observata; falso existimando consuetudinem Afrorum rebaptizandi baptizatos ab hæreticis, in Ecclesia semper fuisse ab Apostolorum tempore; contrarium afferuit Stephanus Papa; & idè jussit nihil innovari: sed neuter voluit sententiam suam ad fidem pertinere. Et idè communionem S. Stephani Cyprianus nunquam abrupti, et si peccaverit, iussioni S. Stephani non acquiescendo, uti non uno loco Augustinus ostendit.

697 Quod ad Vigilium spectat, verum non est ipsum approbasse hæreticam Ibæ epistolam: cum non approbaverit, nisi ea epistolæ verba, quæ in Concilio Calcedonensi recitata fuerunt, & secundum quæ ibi declaratus fuit Catholicus, & ad Concilii communionem admissus, prout opti-

mè ostendit Baronius ad annum 553. Unica quippe Vigilio cura fuit per Constitutum suum cavere, ne occasione trium capitulorum derogaretur Concilio Calcedonensi. Vel ergo in fide non erravit Vigilius, vel in ea erravit Concilium Calcedonense. Quod nullus Catholicus dixerit.

Objicitur 2º factum Liberii Papæ, qui tædio exilii, timoreque comminatae mortis, condemnationi S. Athanasi confensit, & formula fidei, ab Ariani Episcopis in Concilabulo Sirmiensi editæ, subscripsit, cumque iisdem Episcopis communicavit.

Respondeo nihil inde aduersum assertam à nobis infallibilitatem consequi: neque enim propterea errorem aliquem in fide toti Ecclesiæ credendum proposuit, etiam dato, non concessò, quod in sua privata persona hæreticus fuisset. Qualis tamen non fuit (licet subscriberendo peccaverit) siquidem in isto Conciliabulo tres fidei formulæ editæ sunt: prima & tertia sanum sensum admittebat, licet non exprimeret consubstantialitatem Filii; secunda non admittebat: & isti Liberius non subscripsit; sed primæ (uti testatur Sozomenus I. 4. c. 14.) quæ ex se hæretica non erat, uti probat S. Hilarius apud Baronium ad annum 357. licet in ea lateret fallacia Ariana, in remotione termini consubstantialis à Symbolo Nicæno; lateret proinde hæretica pravitas, non ex vi ipsius formulæ, sed ex Ariananor intentione, qui formulam illam ediderat ad hæresim suam manutenerandam, & Nicæni Concilii fidem supprimendam.

Objicitur 3º. Innocentius I. interpellat 699 tus à S. Joanne Chrysostomo, injuste à sua Sede deturbato, respondit, oportere conflare Synodus Occidentalium Orientaliumque Sacerdotum; eam quippe solam esse, quæ ejusmodi procellarum impetus retundere posset. Ergo judicium suum absque judicio Synodi non judicavit sufficiens ad restitutionem Chrysostomi.

Nego consequentiam: quia certum est Synodus illam congregatam non fuisse; Innocentium nihilominus quidquid contra Chrysostomum Constantinopolis actum fuerat, Romæ cassavisse, seu irritum declarasse, & Chrysostomum abolivisse, uti videtur est apud Theodoretum I. 3. Histor. c. 34. Synodi ergo illius congregationem non censuit necessariam ad Chrysostomum restituendum, sed ad sedandam tempestatem (ihsis in circumstantiis, in quibus adeo turbati erant adversus Chrysostomum Orientalium animi) suaviorique modo silentium adversariis ipsius imponendum.

Objicitur 4º. Honorius Papa, cui tamquam Monothelite anathema dixit sexta, 700 sicut & septima Synodus Oecumenica.

Sed quid inde? Proposuit-ne Honorius Monothelitum toti Ecclesiæ credendum? Nullus hoc afferit, nec ullum istius vesti-

gium in epistola ad Sergium, ob quam post mortem damnatus fuit, licet per errorem facti, ut visum est quibusdam viris doctissimis, ipsis quoque Eminentissimis Baronio, Bellarmino, &c.

701 Objicitur 5°. Joannes XXII. docuit (contra fidem) animas fidelium, in gratia decedentes, plenè purgatas, ad visionem beatificam non admitti ante diem iudicii.

Respondeo Joannem quidem XXII. in eam opinionem propendisse, sed ipsummet per suum Breve protestatum fuisse, se de hoc ordinando nunquam cogitasse; dumque morti proximus esset, expressam Constitutionem edidisse, quā declaravit, suam jam sententiam esse, quod animæ plenè purgatae, à suis corporibus egressæ, beatifici visione fruerentur, ante communem resurrectionem. Ista omnia enarrat, testaturque vel ipse maximus Pontificia infallibilitatis æmulus Maimburgus in suo Tract. de occaſu Imperii l. 6. pag. 598.

702 Objicitur 6°. Concilium Pisanum, in quo depositi sunt Benedictus XIII. & Gregorius XII.

Respondeo constare ex actis istius Concilii, historiisque illius, depositos fuisse, non auctoritate Concilii supra Papam, in haeresim non lapsum; sed prætextu haeresis ipsorum.

703 Objicitur 7°. Concilium Constantiense, in cuius sessione 4. & 5. definita fuit superioritas Concilii, seu subjectio Papæ ad Concilia Oecumenica.

Respondeo 1°. Concilium Constantiense tempore sessionis 4. & 5. Generale non fuisse (ut declaravit Eugenius IV. in Apologia sua contra Basilienses) sed ei à Gregorio XII. & Benedicto XIII., cormunque obedientiis, fuisse contradictum; & ne ipsum quidem Joannem XXIII. tunc temporis ei adfuisse, sed fugâ dilapsum & Scaphucam appulsum, improbae acta in illis sessionibus, tamquam erronea, de iisque graviter conquestum fuisse, per litteras ad Ladislauum Poloniae Regem. Plures denique ex obedientiis ipsius eidem contradixisse.

704 2°. definitionem illam factam non fuisse Conciliariter, id est præviâ discussione, & deliberatione sufficienti, exquisitis singulorum Concilii Patrum suffragiis, adhibitoque tempore sufficienti ad competentem de re tanta deliberationem.

705 3°. Concilium istud tunc demum Generale fuisse, dum concurrentibus obedientiis Gregorii XII. & Benedicti XIII. facta fuit nova Concilii convocatio; tuncque, universa Ecclesiâ concurrente, plenariae Synodi rem & nomen accepisse. Quod ergo ante eum articulam à Patribus ibi congregatis actum est, universa Ecclesia non debet adscribi, sed eis tantum, qui ibidem consedebant, & unius tantum obedientie Synodus faciebant, prout Eugenius IV. declaravit ibidem. Et in unio-

ne obedientiæ Benedicti XIII. abstinuit, & juxta pacta Narbonensia abstinere debuit à titulo Generalis Concilii. Nec antè tota Christianitas illud recognovit pro Generali Concilio. Non enim pro tali ipsum recognoverunt due obedientiæ suprà nominatae, quæ Christianitatis pars non modica erant; eratque Synodus acephala, tempore sessi 4. & 5. ob fugam Joannis XXIII. Dumque Legati Regis Aragonia fessi 22. ad Concilium venerunt, expressè protestati sunt, quod quidem vellent se unire Concilio, non tamen reputare esse Generale Concilium, neque agi de rebus Concilii Generalis, donec venirent Legati Regis Castellæ. Qui nec ipsum ante habuit pro Generali Concilio, uti constat ex ipsis & Reginæ litteris, scriptis non ad Constantiense Concilium Generale; sed ad Congregationem quatuor Nationum in Constantia. Sic habent gesta Concilii in 4. Codice manucripto apud Schelstraete.

4°. Si dicas, in partis illis, seu Concordatis 706 Narbonensis, in sessione 20. juratis, conventione quidem fuisse, ut nova convocatione Concilii fieret, sed adjectâ conditione, ut nova convocatione fieret utrimque, tam scilicet ex parte obedientiæ Benedicti XIII. quam ex parte Concilii, ad quod obedientia Joannis XXIII. & obedientia Gregorii XII. jam convenierant, adjecto quoque fine convocationis, pro reformatione Ecclesiæ in Capite, & in membris, quod est auctoritatem Concilii supra Summum Pontificem agnoscere.

Contrà, licet nova convocatione fieri debuerit, tam ex parte obedientiæ Benedicti XIII. quam ex parte Patrum tunc Constantiæ existentium, non tamen ut constitutum Generale Concilium: cum art. 1. istorum Concordatorum expressè haberetur, quod in litteris convocatoris, præfigeretur terminus ad interessendum in Civitate Constantiensi, pro uniendo se, & faciendo Concilium Generale, cum aliis ibidem congregatis. Et art. 3. quod post adventum eorum, qui fuerint de obedientia Benedicti XIII., statim fieret unio pro faciendo unum universale Concilium. Unde ante eorum adventum, sessione 22. in forma novæ convocationis, Patres non utuntur titulo Generalis Concilii, sed hisce dumtaxat non-minibus: *Miseratione divinâ Episcopi, Presbyteri, Diaconi Cardinales, Patriarchæ, Archiepiscopi, Prælati, & ceteri in Constantia, Provincia Maguntinensis, in Christi nomine congregati, Illustri Principi Ferdinando, De gratia Arragonum & Sicilia Regi, salutem & ecclesiasticam unionem feliciter inerit, &c.*

Constat igitur novam convocationem ordinatam & factam fuisse, ad faciendum unum universale Concilium; unum proinde universale Concilium fessi 4. & 5. non fuisse, sed demum fessi 22. in qua trium obedientiarum facta est unio.

709 Nec tamen hinc benè infertur, condemnationem Joannis Wicleff, & Joannis Hus, Concilii Generalis non fuisse, licet ante unionem proximè dictam facta fuerit. Quia condemnationi ipsorum post unionem illam supervenit Martini V. confirmatio, approbante Concilio facta, & executorialis Bulla, cum insertione omnium & singulorum articulorum condemnatorum, cui confirmationi solum addita est confirmatio ceterorum Conciliariter factorum, prout videre est in actis Concilii post ultimam sessionem. Talis verò confirmatio non supervenit iis quæ decreta fuerunt less. 4. & 5. utpote ob ea quæ diximus n. 700. 701. 702. non Conciliariter factis, ideoque non comprehensis sub terminis confirmationis Martini V.

710 Illud verò quod additum est de fine novæ convocationis, pro reformatione Ecclesiæ, tam in Capite quam in membris, additum est pro casu qui tunc erat, pro casu utique schismatis, in quo tres contendebant de Papatu. Unde consequens non est, Concilium esse supra Ecclesiæ Caput indubitatum, sed supra Caput taliter dubium & controversum, ut ratione illius schisma sit in Ecclesia, ad quod tollendum necesse sit de indubitate Capite, per Concilium Generale provideri. Et iste fuit finis Concilii Constantiensis ideo convocati, quia tres diversi tunc se gerebant pro legitimo Ecclesiæ Capite, & Benedictus XIII. pro vero Pontifice tunc adhuc haberi volebat.

711 Siquis adhuc instet ex less. 40. in qua eligendo Pontifici lex præscripta fuit, quod cum hoc sacro Concilio, vel deputandis per singulas nationes, debeat reformare Ecclesiam; determinati etiam fuerunt reformationis articuli, quorum unus S. Sedis authoritate concernebat: *proper qua, & quomodo Papa posset corrigi & deponi.*

Respondeo id sessione illâ non præscriptum per modum humanæ legis, ad cuius observantiam Papa legitimè electus & indubitate teneretur vi ictius legis, tamquam illi subjectus, sed per modum rationabilis suggestionis, quam sequeretur ex discreptione sua, ino sequi deberet ex vi legis naturalis, in iis quæ necessaria essent pro bono Ecclesia. Et sic, non aliter, præscriptum illud Martinus V. executus est. Quia mox ut electus fuit, facto ostendens, se articulis illis non teneri ex vi legis ictius humanæ, ex octodecim articulis determinatis pro reformatione facienda, duodecim tacitus præterivit, ne prejudicium faceret authoritati Sedis Apostolicæ, quam plerique eorum immediate concernebant; nec eorum observantiam Patres ulterius urgere ausi sunt;

solumque sex reliquos (eam non concorrentes) ex sua discreptione fuit executus, quia utiles, ino necessarios censuit pro bono Ecclesiæ; per solamque eorum resolucionem, seu executionem, Concilii Patres less. 43. dicto decreto plenè satisfactum declaraverunt.

Hinc etiam licet less. 39. idem Concilium statuislet, quod deinceps quilibet in Romanum Pontificem eligendus, antequam sua electio publicaretur, coram suis electoribus publice confessionem & professionem fidei faceret. Non legitur tamen Martinum V. (nonni post unicam intermedium sessionem electum) professionem illam fecisse.

Denique, ut isti quæstioni finem faciamus, quid est quod ictius Concilii Patribus curæ non fuit, ut Papa electus juraret in veritatem decretorum sessionis 4. & 5. (in istam proinde, quod Papa subest Concilio) si istam fidei veritatem censerunt? Summi momenti erat, ut id facerent, & ad id successores quoque obligarent. Sic enim schisma, tam Basileæ, quam postea Pisum inductum, totque alia ingentia (candala, turbas, & animarum pericula à radice succidissent. Quid est ergo quod tantum Ecclesiæ bonum, in circumstantiis id tam vehementer exigentibus, non procurarunt, nisi quia satis ipsi cognoverunt, decreta illa less. 4. & 5. non transire in rem sufficienter, & autoritate irrefragabili judicatam; ino vim nullam habitura, nisi a Pontifice eligendo, jamque legitimè electo confirmarentur? Que profecto à Martino V. confirmata non fuisse, manifestum videtur ex eo quod in eodem Concilio, nemine refragante, suspectos de Wicleffismo interrogari iussit: *Uirum credant, quod Papa canonice electus, qui pro tempore fuerit, si successor B. Petri, habens supremam potestatem in Ecclesia Dei?* Quomodo enim supremam, si supra habeat superiorum, Concilii scilicet Generalis autoritatem?

Pro coronide solum addo, nos suprà non 714 asseruiste, Concilium Constantiense in primis sessionibus non ideo non fuisse Generale, quia omnes Christiani Orbis Episcopi ei non interfuerunt; sed quia nec unum proferri potest Generale Concilium, quod divisâ Ecclesiâ, & in tres obedientias discissâ, Generale habitum fuerit ex præfentia unius dumtaxat obedientiæ, aliis duabus de Papatu contendentibus, cum suis obedientiis, inductionem Concilii, à solo Capite unius obedientiæ factam, velut illegitiman relictis: Hic Adversarii hæret aqua.

